

廿一史彈詞注

一  
函  
八  
冊



廿一史彈詞註卷之九

成都楊慎用修編著

漢陽張三異禹木增定

男仲璜別麓註 曾孫任佐較

第九段 說宋遼金夏 蝶戀花

簡盡殘編并斷簡細數興亡總是英雄漢物有無常人  
有限到頭落得空長歎 富貴榮華春過眼漢主長陵  
霸主烏江岸早悟夜筵終有散當初賭甚英雄漢

詩曰

賭勝休嫌力不加功名富貴眼前花千年田地八百  
主守到如今有幾家

鐵甲將軍夜過關馬蹄到處骨如山氣高無奈烏江  
阻色重方知蜀道難長夜酒能滄社稷瓊林富不救  
飢寒若將四堵牆推倒海宴河清日月閒

筆底詩詞成笑語閒中今古要知聞書生靜坐寒窗  
下永夜挑燈素用心看盡殘編和斷簡參同往古共  
來今鋪張短話成長話褒貶前人勸後人耳聽忠良  
增感慨情關孝義長酸辛斬釘截鐵言詞壯盡虎描  
龍圖樣真萬壑風生因虎嘯九天雲起爲龍吟龍吟  
虎嘯誇爭戰鳳舞鸞歌慶太平細撥冰絃調玉軫勝  
聽檀板醉紅裙知音達者同高會收拾新詞佐酒巡  
話說五代史并僭號十一國稱帝稱王者四十一人中

間全身壽考者二十人吳越錢氏占了四位其餘皆死  
於非命可見世衰道微三綱不明九法淪斁又有甚於  
五胡亂華之時者午會至此已過三分之一陰日盛而  
陽日消生靈不幸天地有所不能維持唐明宗焚香告  
天願早生聖人宋儒信之謂宋太祖生於夾馬營上應  
天象後來果能消蕩群雄混一華夏然中間又有未必  
然者當在智人君子辨之且說

北宋者太祖趙匡口因陳橋兵變受周朝幼主讓位稱  
大宋

太祖皇帝

建隆寶

在位十七年

傳之乃弟

太宗

太平興國至道

雍熙

端拱

淳

太宗傳



真宗

咸平 景德 大中祥符 天

仁宗

天聖 明道 景祐 寶元 康定 慶歷

英宗

治平 在 神宗 熙寧 元豐

哲宗

元祐 紹聖 元 徽宗 建中靖國 崇寧

重和 宣和 在 欽宗 靖康 在 金人內

犯二帝北狩康王南渡建都臨安是為南宋

高宗

建炎 紹興 在 無子立太祖六世孫偁之子

伯琮為子是為

孝宗

隆興 乾道 淳熙 孝宗傳

光宗

紹熙 在 寧宗 慶元 嘉泰 理宗 寶慶 嘉熙 紹定 淳祐

三十 年

理宗 寶慶 嘉熙 紹定 淳祐

寶祐 開慶 景  
定 在位四十年

度宗 咸淳 在  
位十年

恭宗 德祐 在  
位九年

端宗 景炎 在  
位三年

帝昺 祥興 在  
位二年 南北宋凡十八帝共享國三百二十

七年天下歸於大元

中間有遼金西夏元朝四家交征合戰起滅紛紜到底  
不是一統識者自知

大遼者原是契丹胡人唐末耶律阿保機占據幽燕號

太祖皇帝 神冊 天贊 在位二十年 傳至子德光改號大遼

國是為 太宗皇帝 會同 在位二十一年

傳之 世宗 天祚 在位四年

穆宗 應歷 在位十八年 景宗 保寧 乾亨 在位十四年

聖宗 統和 開泰 太平 興宗 重熙 在位

道宗 清寧 咸雍 大康 大安

天祚帝 乾統 天慶 保大 宣宗 福 凡十主共二百

一十年宋徽宗時被其部屬女直酋長阿骨打起兵滅遼國號金

大金者本遼之部屬酋長阿骨打起兵滅遼國號金

為

太祖皇帝 收國 天輔 傳之

太宗吳乞買 天會 在位十三年 又克宋傳

熙宗 天眷 皇統 在位十五年 海陵王 天德 貞元 在位

十一 年 世宗 大定 在位

章宗 明昌 承安 泰和 衛紹王 大安 崇寧 在位

年

宣宗

真祐

興定

光元

哀宗

正大

天興

末帝

凡十主共一百一十

九年元朝太祖滅之

西夏者乃拓拔氏自宕項於唐貞觀中入居銀夏唐明

姓李唐末爲夏州節度李彝昌叔父仁當弟李彝超李

彝興李光睿李繼筠李繼捧李繼遷至繼遷立國宋太

祖時歸降賜名趙保吉其子德明嗣之至宋仁宗時德

明之子元昊一名曩霄據興州之地盡有河南河西河

外三十二州戊寅寶元元年稱帝號大夏

景宗

天壽

禮法

延祚

傳

英宗

延嗣

寧國

天祐

垂聖

福聖

承道

成都

拱化

在位十九年



惠宗

乾道 天賜禮盛國慶  
大安禮定 在位十九年

崇宗

天義治平 正德 天祐民安  
元德 大德 在位五十三

仁宗

大慶 天盛 乾佑  
在位五十三

桓宗

天慶 在位十二年

襄宗

應天 皇建  
在位五年

神宗

光定 在位十二年

獻宗

乾定 在位三年

末王南平王

在位二十年

主共一百九十年元太祖滅之

西遼者契丹耶律大石因大遼滅亡乙巳年建國稱帝

於起兒漫又遷於虎思是為德宗皇帝在位十年因子

幼其后蕭氏塔不烟稱制號感天皇后六年而卒子夷

列即位是為仁宗又十二年卒其子幼遺命其妹普遠

完權國號承天皇后又十五年弑其夫蕭朶魯卜其

夫之父幹里刺討而誅之立仁宗子直魯古改元天禧  
在位三十四年因出獵為乃蠻屈出律伏兵擒之而西  
遼遂亡計所傳

德宗

延慶  
康國

感天后

咸清

仁宗

紹興

承天后

崇福

天禧帝

天禧

凡五主共七十一年而滅

此四國者與宋相參分據四海非一統之天下也今將  
四國大略寫入詞文

五代史運將衰中原粉碎

漢劉崇因雪憾鐵騎南征

註見前八卷北漢  
主虎鬬龍爭句下

宋太祖事周朝官封點檢

趙匡口涿郡人仕周官殿前都指揮使周世宗嘗於  
文書囊中得長三尺餘木題云點檢作天子時張永  
德為殿前都點檢乃命匡口代之及周恭帝立加匡  
口檢校太尉領歸德節度使後篡周即位以所鎮歸  
德軍在宋州國號宋廟號太祖

### 領三軍搪北漢出掃邊壁

鎮定二州言北漢主承鈞會契丹兵入寇周主遣匡  
口帥禁兵禦之殿前副都點檢慕容延釗將前軍先  
發都下謹言將以出軍之日冊點檢為天子士民恐  
怖爭為逃匿之計惟內廷宴然不知及兵變遣客省  
使潘美見執政諭意范質等聞變質執王溥手曰倉  
卒遣將吾輩之罪也爪入溥手幾出血溥襟不能對  
范質字文素宗城人

### 感天象動日光陳橋兵變

大軍發汴京殿前散指揮使苗訓善觀天文見日下  
復有一日黑光摩盪者久之指示匡口親吏楚昭捕  
曰此天命也是夕次陳橋驛明旦兵變立匡口為天  
子撫之還汴一兵變計前見八卷周世宗陳橋句下

應雲龍登寶位南面稱尊

通遠軍使董遵誨父宗本仕漢為隨州刺史匡口欲時客遊至漢東依焉遵誨嘗倚父勢侮之一日謂匡口曰每見城上有紫雲如蓋又夢登高臺遇黑蛇俄化龍飛騰東北去是何祥也匡口不對後辭去紫雲漸散至是即位名遵誨諭之曰卿尚記曩日紫雲黑龍之事乎

即位後便施仁諸州賑貸

太祖甫即位遣使分賑諸州宋史斷曰此武王下車未幾而散財發粟之心也宋主可謂得為政之首務矣

武成廟除白起深惡傷生

初唐肅宗追贈呂望為武成王立廟祭之以歷代良將白起等十人為十哲范蠡等六十四人配享至是太祖幸武成王廟指白起曰起殺已降不武之甚豈宜受享命毀其象

討南漢定西蜀八方拱手

太祖命潘仁美討南漢主劉鋹註見前八卷憫窮民  
句下命王全斌討後蜀主孟昶註見前八卷王全斌  
下句

### 取江南朝吳越四海來賓

命曹彬下江南唐主煜出降註見八卷曹彬句下吳  
越王錢宏俶與妻孫氏子惟濬孫承祐來朝太祖賜  
禮賢宅以居留兩月遣還賜以黃袂封識甚固戒曰  
途中宜密觀及改之則皆羣臣乞留宏俶章疏也宏  
俶感懼既歸每視事命徙坐於東偏謂左右曰西北  
者神京在焉天威不遠顏咫尺敢寧居乎每修貢必  
列於庭焚香而後遣之

### 廟堂間文用著能謀趙普

趙普事太祖初為書紀剛毅果斷以天下為已任太  
祖嘗微行至其第普妻行酒太祖以嫂呼之凡收藩  
鎮之權遲幽薊之伐選縛禁兵立更戌之法皆普之  
謀也太祖以普同平章事後再相太宗拜太師太宗  
曰普能斷大事盡忠  
國家直社稷臣也



邊關上武用著不殺曹彬

曹彬先仕周爲河中都監後歸宋太祖令從王全武等伐蜀及蜀平諸將咸欲屠城彬獨申令戢下諸將多收子女玉帛彬橐中惟圖書衣衾太祖賞彬特優以爲宜徽南院使尋遣彬伐江南圍城中每緩師不迫使人諭李煜曰事勢如此所惜者一城生聚惟冀煜自歸命城將陷彬忽稱疾不視事諸將問疾彬曰余疾非藥石所能愈惟諸君誠心自誓以克城之日不妄殺一人則自愈矣諸將焚香爲誓彬即稱愈及江南平太祖以彬爲樞密使從征太原封魯國公彬位兼將相有功不伐仁恕清慎爲宋良將第一曹彬字國華真定靈壽人封魯公追封濟陽郡王謚武惠

勸藩鎮解兵權君臣定體

侍衛都指揮使石守信王審琦等皆典禁衛兵一日晚朝與守信等酒酣太祖屏左右謂曰朕非卿等不及此然天子亦大艱難殊不若爲節度使之樂守信等問故太祖曰此位誰不欲爲守信等曰天命已定誰敢有異太祖曰卿等固然其如麾下欲富貴何一旦有黃袍加汝身雖欲不爲其可得乎守信等泣曰

臣等愚不及此惟陛下哀矜指示可生之途太祖曰  
人生如白駒過隙所以好富貴者不過欲厚自娛樂  
使子孫無貧乏耳卿等何不釋去兵權出守大藩擇  
便好田宅市之多買歌兒舞女日夕飲酒相歡朕且  
與卿等約為婚姻君臣之間兩無猜疑不亦善乎守  
信等皆謝明日乞罷典兵後鳳翔節度使王彥超及  
諸藩鎮入朝太祖晏於後苑酒酣謂之曰卿等皆國  
家宿舊久臨劇鎮王事鞅掌非朕所以優賢之意也  
彥超諭意即曰臣本無勲勞久冒榮寵今已衰朽乞  
骸骨歸邱園諸節度使明日皆罷鎮奉朝請胡一桂  
曰太祖以從容孟酒之間解石守信等兵權復以後  
苑之晏罷王彥超等節鎮於是宿衛藩鎮不可除之  
痼疾一朝而解矣

### 誠行兵毋殺掠遠近蒙恩

命曹彬下江南將行太祖戒彬曰江南之事一以委  
卿切勿暴掠生民又曰城陷之日慎無殺戮設若困  
闕則李煜一門不可加害捷至羣臣稱賀太祖曰攻  
城之際必有橫羅鋒刃者實可哀也命出米十萬石  
賑卹

乏

遵母命保家邦惇行孝友

皇太后杜氏疾革謂太祖曰汝知所以得天下乎太祖曰祖考及太后之福也太后曰不然正由周世宗使幼兒主天下故汝得至此汝萬歲後當傳位光義光義傳光美光美傳德昭國有長君社稷之福也太祖泣曰敢不如教太后耶乃封弟光義為晉王數幸其第光義嘗有疾親為灼艾光義覺痛太祖亦取艾自灸以分其痛

把龍牀傳乃弟不負其心

太祖奉太后遺命卒傳位於弟光義

怎承望壽將終人遮燭影

李燾云帝不豫壬子夜大雪帝召晉王屬以後事左右皆不聞但遙見燭影下晉王時或離席若有所避避之狀既而上引柱斧戣地失聲謂晉王曰好為之俄而帝崩

哭啼啼同富貴就裡難明

初太祖疾大漸宋后遣宦者王繼恩召皇子德芳繼恩徑召晉王宋后見晉王愕然遽呼曰吾母子之命皆托於官家晉王泣曰其保富貴無憂也

思往日順天心不當至此

善施為惡報應萬古疑心

邱瓊山曰太祖太宗嗣位之際此千載不決之疑按宋史云開寶九年冬十月癸丑夕帝崩於萬歲殿王繼恩稱遺詔迎太宗即位詰旦太宗入此宋史所載可信者也胡一桂陳恆作私史乃云遙見燭影搖紅及聞大聲汝好為之之言遂使太祖有不得其死之疑太宗有賊害其君之謗原其說出於李燾之長編燾又據湘山野錄而刪潤之野錄謂太祖太宗對飲燭影下時見太宗有不可勝之狀而燾改不可勝為遜避太祖下階截雪顧太宗曰好做好做而燾改截雪為截地好做為好為之又加大聲二字陳恆據燾所刪潤者書之又於好為之下妄以已意添俄而帝崩四字是則啟後世之疑者胡陳二子也啟二子疑者燾也李燾字仁甫眉山入累贈溫國公作續資治通鑑長編計一千六十三卷截音擢